

十三經註

DK12
479
58



鴻
21
58

門 12
號
卷

宋
方
樂
林

春秋左傳註卷第五十

昭二十
盡二十一

齊年
有物那

晉 杜 預 註

經二十有一年春王三月葬蔡平公

夏晉侯使士鞅來聘

晉頃公即位通嗣君

宋華亥向寧華定自陳入于宋南里以叛

自外至故曰入披其邑故曰叛南里宋城

內里名

春秋左傳

卷五十

昭公

一

宣

稽古樓

秋七月壬午朔日有食之

八月乙亥叔輒卒

叔弓之子伯張

冬蔡侯朱出奔楚

朱為大子則夫位遂微弱為國人所逐故以自出為文

公如晉至河乃復

晉人辭公故還

傳二十一年春天王將鑄無射冷州鳩曰王其以心疾死乎夫樂天子之職也夫音樂之輿也而鐘音之器也天子省風以作樂器以鐘之輿以行之小者不窕大者不楸則和於物物和則嘉成故和聲入於耳而藏於心心億則樂窕則不咸楸則不容心是以感實生疾今鍾楸矣王心弗堪其能久乎

射音亦冷力丁反窕他彫反楸戶化反

春秋左傳

卷五十

昭公

二

管子書

天王周景王也無射鐘名律中無射洽樂
官州鳩其名也職所主也音樂之輿樂因
音而行鐘音之器音由器以發省風作樂
謂省風俗作樂以移之器以鍾之鍾聚也
以器聚音輿以行之謂樂須音而行窈細
不滿椶橫大不入嘉成嘉樂成也億安也
不咸謂不克滿人心不容謂心不堪容王
心弗堪不能久爲明年天王崩傳

三月葬蔡平公蔡大子朱失位位在卑大夫
送葬者歸見昭子昭子問蔡故以告昭子歎
曰蔡其亡乎若不忘是君也必不終詩曰不
解于位民之攸暨今蔡侯始卽位而適卑身
將從之

大子失位不在適子位位在卑以長幼齒
詩大雅暨息也始卽位而適卑身將從之
爲蔡侯朱出奔傳

夏晉士鞅來聘叔孫為政季孫欲惡諸晉使有司以齊鮑國歸費之禮為士鞅士鞅怒曰鮑國之位下其國小而使鞅從其牢禮是卑敝邑也將復諸寡君魯人恐加四牢焉為十一牢

叔孫昭子為三命為國政季孫欲惡諸晉以憎叔孫在已上位欲使得罪於晉鮑國歸費在十四年牢禮各如其命數魯人失

禮故為鮑國七牢魯人恐加四牢言魯不能以禮事大國且為哀七年吳徵百牢起宋華費遂生華驅華多僚華登驅為少司馬多僚為御士與驅相惡乃譖諸公曰驅將納亡人亟言之公曰司馬以吾故亡其良子死亡有命吾不可以再亡之對曰君若愛司馬則如亡死如可逃何遠之有公懼使侍人召司馬之侍人宜僚飲之酒而使告司馬司馬

歎曰必多僚也吾有讒子而弗能殺吾又不
死抑君有命可若何乃與公謀逐華貳將使
田孟諸而遣之公飲之酒厚酬之賜及從者
司馬亦如之張句尤之曰必有故使子皮承
宜僚以劔而訊之宜僚盡以告張句欲殺多
僚子皮曰司馬老矣登之謂甚吾又重之不
如亡也五月丙申子皮將見司馬而行則遇
多僚御司馬而朝張句不勝其怒遂與子皮

稽古樓

曰任鄭翩殺多僚劫司馬以叛而召亡人壬
寅華向人樂大心豐愆華恮禦諸橫華氏居
盧門以南里叛六月庚午宋城舊廡及桑林
之門而守之

貳勅俱反又亟欺
冀反任音壬

御士公御士亡人華亥等司馬謂費遂爲
大司馬良子謂華登若愛司馬則如亡言
若愛大司馬則當亡走失國死如可逃何
遠之有言亡可以逃死勿慮其遠以恐動

公使告司馬謂告司馬使逐羆酬酒幣司馬亦如之亦如公賜張句華羆臣尤怪賜之厚子皮華羆訊問也盡以告告欲因田以遣之登之謂甚言登亡傷司馬心已甚任翮亦羆家臣構梁國睢陽縣南有橫亭盧門宋東城南門舊鄘故城也桑林城門各

秋七月壬午朔日有食之公問於梓慎曰是

何物也禍福何為對曰二至二分日有食之不為災日月之行也分同道也至相過也其他月則為災陽不克也故常為水於是叔輒哭日食昭子曰子叔將死非所哭也八月叔輒卒

物華也二至冬至夏至二分春分秋分分同道至相過二分日夜等故言同道二至長短極故相過陽不克謂陰侵陽是陽不

勝陰叔輒哭日食意在於憂災

和古樓

冬十月華登以吳師救華氏齊烏枝鳴戍宋
廚人濮曰軍志有之先人有奪人之心後人
有待其衰盍及其勞且未定也伐諸若入而
固則華氏眾矣悔無及也從之丙寅齊師宋
師敗吳師于鴻口獲其二帥公子苦雉偃州
員華登帥其餘以敗宋師公欲出廚人濮曰
吾小人可藉死而不能送亡君請待之乃徇

曰揚徽者公徒也眾從之公自楊門見之下
而巡之曰國亡君死二三子之恥也豈專孤
之罪也齊烏枝鳴曰用少莫如齊致死齊致
死莫如去備彼多兵矣請皆用劍從之華氏
北復卽之廚人濮以裳裹首而荷以走曰得
華登矣遂敗華氏于新里翟僂新居于新里
旣戰說甲于公而歸華姓居于公里亦如之
十一月癸未公子城以晉師至曹翰胡會晉

荀吳齊苑何忌衛公子朝救宋丙戌與華氏
 戰于緒邱鄭翩願為鸛其御願為鶩子祿御
 公子城莊董為右于驪御呂封人華豹張句
 為右相遇城還華豹曰城也城怒而反之將
 注豹則關矣曰平公之靈尚輔相余豹射出
 其鬪將注則又關矣曰不狎鄙抽矢城射之
 殪張句抽矢而下射之折股扶伏而擊之折
 軫又射之死于驪請一矢城曰余言女於君

對曰不死伍乘軍之大刑也干刑而從子君
 焉用之子遠諸乃射之殪大敗華氏圍諸南
 里華亥搏膺而呼見華緇曰吾為欒氏矣緇
 曰子無我廷不幸而後亡使華登如楚乞師
 華緇以車十五乘徒七十人犯師而出食於
 睢上哭而送之乃復入楚遠越帥師將逆華
 氏大宰犯諫曰諸侯唯宋事其君今又爭國
 釋君而臣是助無乃不可乎王曰而告我也

後既許之矣維古舍反員音云僕力未反說他活反姓他口反楮音者董音謹肇尺由反關鳥環反乘呼並去聲運求枉反睢音雖

登以前年奔吳故以吳師救華氏烏枝鳴齊大夫濮宋廚邑大夫鴻口梁國睢陽縣東有鴻口亭苦雉偃州員二帥吳大夫其餘謂吳餘師公欲出謂出奔藉死言可借使死難君請待之請君待復戰決勝負微識也公自楊門見之謂見國人皆揚微睢

陽正東門名楊門備長兵也北敗走也新里華氏所取邑翟僂新居新里謂居華氏地而助公戰華姓亦如之姓華氏族故助華氏亦如僂新說甲歸傳言古之為軍不些小忿公子城以晉師至城以前年奔晉今還救宋翰胡曹大夫荀吳中行穆子苑何忌齊大夫公子朝前年出奔晉今還衛褚邱宋地鄭翩華氏黨鸛鷺皆陳名子祿

春秋左傳卷五十一昭公九年

向宜呂封人華豹華氏黨城怒而反怒其
 呼已反還戰注傳矢關引弓季公公子城
 之父豹射出其閒謂出子城子祿之閒狎
 在車邊折軫折城車軫死謂句死請一矢
 求死也言女于君謂欲活之不死伍乘軍
 之大刑言同乘共伍當皆死射之殪孳又
 死也曰為欒氏晉欒盈還入作亂而死事

在襄二十三年廷恐也犯師而出謂犯公
 師出送華登入南里王曰既許之為明年
 華向出奔楚傳

蔡侯朱出奔楚費無極取貨於東國而謂蔡
 人曰朱不用命於楚君王將立東國若不先
 從王欲楚必圍蔡蔡人懼出朱而立東國朱
 愬于楚楚子將討蔡無極曰平侯與楚有盟
 故封其子有二心故廢之靈王殺隱太子其

子與君同惡德君必甚又使立之不亦可乎
且廢置在君蔡無他矣

稽古樓

東國隱大子之子平侯廬之弟朱叔父也
有盟故封謂盟于鄧依陳蔡人以國其子
有二心子謂朱也蔡無他言權在楚則蔡
無他心

公如晉及河鼓叛晉晉將伐鮮虞故辭公
叛晉屬鮮虞晉辭公將有軍事無暇於待

賓且懼泄軍謀

經二十有二年春齊侯伐莒

宋華亥向寧華定自宋南里出奔楚

言自南里別從國去

大蒐于昌閒

無傳

夏四月乙丑天王崩六月叔鞅如京師葬景

王

春秋左傳

卷五十

昭公

十一

晉古書

叔鞅叔弓子三月而葬亂故速

王室亂

承叔鞅言而書之未知誰是故但曰亂

劉子單子以王猛居于皇

河南鞏縣西南有黃亭辟子朝難出居皇

王猛書名未即位

秋劉子單子以王猛入于王城

王城邾邾今河南縣晉助猛故得還王都

冬十月王子猛卒

未即位故不言崩

十有二月癸酉朔日有食之

無傳此月有庚戌又以長歷推校前後當

為癸卯朔書癸酉誤

傳二十二年春王二月甲子齊北郭啓帥師

伐莒莒子將戰苑羊牧之諫曰齊帥賤其求

不多不如下之大國不可怒也弗聽敗齊師

春秋左傳

卷五十一

昭公

十一

信古樓

于壽餘齊侯伐莒莒子行成司馬竈如莒涖

盟莒子如齊涖盟盟于稷門之外莒於是乎

大惡其君

苑於元反

啓齊大夫北郭佐之後牧之莒大夫壽餘

莒地齊侯伐莒怒敗也竈齊大夫稷門齊

城門也莒大惡其君爲明年莒子來奔傳

楚遠越使告于宋曰寡君聞君有不令之臣

爲君憂無寧以爲宗羞寡君請受而戮之對

曰孤不佞不能媚於父兄以爲君憂拜命之

辱抑君臣日戰君曰余必臣是助亦唯命人

有言曰唯亂門之無過君若惠保敝邑無充

不衷以獎亂人孤之望也唯君圖之楚人患

之諸侯之成謀曰若華氏知困而致死楚恥

無功而疾戰非吾利也不如出之以爲楚功

其亦無能爲也已救宋而除其害又何求乃

固請出之宋人從之己巳宋華亥向寧華定

左傳

卷五十

昭公

十三

信古婁

華驅華登皇奄傷省臧士平出奔楚宋公使
 公孫忌為大司馬邊邛為大司徒樂祁為司
 城仲幾為左師樂大心為右師樂輓為大司
 寇以靖國人過平聲 幾音基
 無寧寧也言華氏為宋宗廟之羞恥孤不
 能媚父兄以華向公族也故稱父兄楚人
 患之患宋以義距之無能為言華氏不能
 復為宋患宋華亥等出奔楚華驅已下五

子不書非卿忌為司馬代華費遂邛為司
 徒邛平公會孫代華定祁子罕孫樂祁犁
 仲幾為左師幾仲江孫代向寧樂大心為
 右師代華亥輓子罕孫以靖國人終梓慎
 之言三年而後弭

王子朝賓起有寵於景王王與賓孟說之欲
 立之劉獻公之庶子伯筮事單穆公惡賓孟
 之為人也願殺之又惡王子朝之言以為亂

春秋左傳 卷五十四 昭公 十四 晉古書

願去之賓孟適郊見雄雞自斷其尾問之侍者曰自憚其犧也遽歸告王且曰雞其憚為人用乎人異於是犧者實用人人犧實難已犧何害王弗應夏四月土田北山使公卿皆從將殺單子劉子王有心疾乙丑崩于榮錡氏戊辰劉子摯卒無子單子立劉蚩五月庚辰見王遂攻賓起殺之盟羣王子于單氏粉反斷丁管反難去聲錡魚綺反

和古

子朝景王之長庶子賓起子朝之傅孟卽起也王語賓孟欲立子朝為大子獻公劉摯伯蚩劉狄穆公單旗惡子朝之言以子朝有欲位之言故劉蚩惡之自憚其犧言畏其為犧牲奉宗廟故自殘毀人異於是謂雞犧雖見寵飾然卒當見殺若人見寵飾則當貴盛故言異於雞人犧實難已犧何害言設使寵人如寵犧則不宜假人以

左傳卷五十一 昭公 十五 晉古

招禍難使犧在己則無患害已喻子朝欲
使王早寵異之王弗應以十五年大子壽
卒王立子猛後復欲立子朝而未定賓孟
感雞盛稱子朝王心許之故不應北山洛
北芒也王知單劉不欲立子朝欲因田獵
先殺之乙丑四月十九日河南鞏縣西有
柴錡澗戊辰二十二日單子立蚩以蚩事
單子故庚辰見王見王猛也攻殺賓起以

黨子朝故盟羣王子以王子猛次正故單

劉立之懼諸王子或黨子朝故盟之

晉之取鼓也既獻而反鼓子焉又叛於鮮虞
六月荀吳畧東陽使師僞糴者負甲以息於
昔陽之門外遂襲鼓滅之以鼓子焉鞮歸使
涉佗守之

糴音狄佗
他多反

晉取鼓在十五年獻謂獻於廟叛謂叛晉

屬鮮虞畧行也東陽晉之山東邑魏郡廣

左傳

卷五十

昭公

十六

晉書

平以北昔陽故肥子所都守之謂守鼓之地涉佗晉大夫

丁巳葬景王王子朝因舊官百工之喪職秩者與靈景之族以作亂帥郊要餞之甲以逐劉子壬戌劉子奔揚單子逆悼王于莊宮以歸王子還夜取王以如莊宮癸亥單子出王子還與召莊公謀曰不殺單旗不捷與之重盟必來背盟而克者多矣從之樊頃子曰非

言也必不克遂奉王以追單子及領大盟而復殺摯荒以說劉子如劉單子亡乙丑奔于平時羣王子追之單子殺還姑發弱驪延定稠子朝奔京丙寅伐之京人奔山劉子入於王城辛未鞏簡公敗績于京乙亥甘平公亦敗焉叔鞅至自京師言王室之亂也閔馬父曰子朝必不克其所與者天所廢也單子欲告急於晉秋七月戊寅以王如平時遂如圃

車次于皇劉子如劉單子使王子處守于王
 城盟百工于平宮辛卯鄆肸伐皇大敗獲鄆
 肸壬辰焚諸王城之市八月辛酉司徒醜以
 王師敗績于前城百工叛己巳伐單氏之宮
 敗焉庚午及伐之辛未伐東園冬十月丁巳
 晉籍談荀躒帥九州之戎及焦瑕温原之師
 以納王于王城庚申單子劉蚩以王師敗績
 于郊前城人敗陸渾于社十一月乙酉王子

猛卒不成喪也已丑敬王即位館于子旅氏

要平聲餞賤淺反頃音傾時音止鄆音尋

百工百官也靈景之族靈王景王之子孫

郊要餞三邑周地逐伯蚩揚周邑悼王子

猛也王子還子朝黨也不欲使單子得王

猛故取之單子出以失王故出奔莊公召

伯奐子朝黨也旗單子也從之從還謀也

頃子樊齊單劉黨奉王謂王子還奉王領

周地欲重盟令單子劉子復歸殺摯荒委
罪於荒劉子如劉歸其采邑單子奔平時
平時周地知王子還欲背盟故亡走還姑
發弱驪延定稠八子靈景之族單子因戰
而殺之子朝奔京以其黨死故伐之謂單
子伐京劉子入王城以子朝奔京故得入
甘鞏二公周卿士皆爲子朝所敗軼至自
京師以葬景王還王室亂經所以書閔馬

父閔子馬魯大夫天所廢謂羣喪職秩者
車次于皇謂出次以示急戊寅七月三日
經書六月諛也王子處子猛黨守王城距
子朝平宮平王廟邾臍子朝黨焚諸王城
之市焚邾臍也醜悼王司徒前城子朝所
得邑百工叛以司徒醜敗故伐單氏之宮
敗百工伐單氏爲單氏所敗反伐之謂單
氏反伐百工東圍百工所在洛陽東南有

圍鄉九州戎陸渾戎十七年滅屬晉州鄉屬也五州為鄉焦瑕温原管四邑丁巳在十月經書秋諛王師敗績于郊為子朝之黨所敗前城子朝眾社周地乙酉在十一月經書十月諛雖未即位周人諛曰悼王不成喪釋所以不稱王崩敬王王子猛母弟王子匄子旅周大夫

十二月庚戌晉籍談荀躒賈辛司馬督師師

軍于陰于侯氏于谿泉次于社王師軍于汜于解次于任人閏月晉箕遺樂徵右行詭濟師取前城軍其東南王師軍于京楚辛丑伐京毀其西南

汜音凡解音蟹任音壬

督即司馬烏軍于陰謂籍談所軍于侯氏荀躒所軍于谿泉賈辛所軍鞏縣西南有明谿泉次于社司馬督所次于汜于解于任人謂王師分在三邑洛陽西南有大解

春秋左傳卷五十 昭公 二十 晉下婁

小解遺徵詭三子晉大夫濟師渡伊洛京
楚子朝所在

經二十有三年春王正月叔孫婼如晉

謝取邾師

癸丑叔鞅卒

無傳

晉人執我行人叔孫婼

稱行人譏晉執使人

晉人圍郊

討子朝也郊周邑圍郊在叔鞅卒前經書
後從赴

夏六月蔡侯東國卒于楚

無傳未同盟而赴以名

秋七月莒子庚與來奔

戊辰吳敗頓胡沈蔡陳許之師于雞父

不書楚楚不戰也雞父楚地安豐縣南有

雞備亭

稽古樓

胡子髡沈子逞滅

國雖存君死曰滅

獲陳夏齧

大夫死生通曰獲夏齧微舒立孫

天王居于狄泉

敬王辟子朝也狄泉今洛陽城內大倉西南池水也時在城外

尹氏立王子朝

尹氏周世卿也書尹氏立子朝明非周人所欲立

八月乙未地震

冬公如晉至河有疾乃復

傳二十三年春王正月壬寅朔二師圍郊癸

卯郊鄰潰丁未晉師在平陰王師在澤邑王

使告閒庚戌還

閒音

春秋左傳

卷五十一

昭公

三

宣公

二師王師晉師也王師不書不以告郊鄰
河南鞏縣西南有地名鄆中郊鄆二邑皆
子朝所得平陰今河陰縣王使告閒以子
朝敗故還謂晉師還

邾人城翼還將自離姑公孫鉏曰魯將御我
欲自武城還循山而南徐鉏邱弱茅地曰道
下遇雨將不出是不歸也遂自離姑武城人
塞其前斷其後之木而弗殊邾師過之乃推

而靡之遂取邾師獲鉏弱地邾人愬于晉
人來討叔孫婁如晉晉人執之書曰晉人執
我行人叔孫婁言使人也晉人使與邾大夫
坐叔孫曰列國之卿當小國之君固周制也
邾又夷也寡君之命介子服回在請使當之
不敢廢周制故也乃不果坐韓宣子使邾人
聚其眾將以叔孫與之叔孫聞之去眾與兵
而朝士彌牟謂韓宣子曰子弗良圖而以叔

孫與其讎叔孫必死之魯亡叔孫必亡邾邾
君亡國將焉歸子雖悔之何及所謂盟主討
違命也若皆相執焉用盟主乃弗與使各居
一館士伯聽其辭而愬諸宣子乃皆執之士
伯御叔孫從者四人過邾館以如吏先歸邾
子士伯曰以芻蕘之難從者之病將館子於
都叔孫且而立期焉乃館諸箕舍子服昭伯
於他邑范獻子求貨於叔孫使請冠焉取其

春秋

和古

冠法而與之兩冠曰盡矣為叔孫故申豐以
貨如晉叔孫曰見我吾告女所行貨見而不
出吏人之與叔孫居於箕者請其吠狗弗與
及將歸殺而與之食之叔孫所館者雖一日
必葺其牆屋去之如始至斷丁管反歷音厥
使人之使去聲期

居其反

翼邾邑離姑邾邑從離姑則道徑魯之武
城鉏邾大夫循山而南謂至武城而還依

山南行不欲過武城鉏弱地三子邾大夫道下謂此山道下溼自離姑遂過武城塞其前以兵塞其前道取邾師不書非公命言使人以嫌外內異故重發傳坐謂坐訟曲直周制謂在禮卿得會伯子男故曰當小國之君邾又夷謂邾雜有東夷之風子服回魯大夫爲叔孫之介副將以叔孫與之謂與邾使執之去眾與兵示欲以身死

彌牟士景伯亡國焉歸以時邾君在晉若亡國無所歸將益晉憂皆相執言聽邾眾取叔孫是爲諸侯皆得輒相執各居一館遂分別叔孫子服回乃皆執之以二子辭不屈故士伯愬而執之過邾館欲使邾人見叔孫之屈辱都別都謂箕也立待命也從旦至暮爲期舍昭伯於他邑謂別囚之求貨使請冠以求冠爲辭與之兩冠謂旣

送作冠模法又進二冠以與之偽若不解其意申豐如晉欲行貨以免叔孫也見而不出謂畱申豐不使得出不欲以貨免殺而與之示不愛葺補治也去如始至不以當去而有所毀壞

夏四月乙酉單子取訾劉子取牆人直人六月壬午王子朝入于尹癸未尹圉誘劉佗殺之丙戌單子從阪道劉子從尹道伐尹單子

先至而敗劉子還己丑召伯奂南宮極以成周人戌尹庚寅單子劉子樊齊以王如劉甲午王子朝入于王城次于左巷秋七月戊申邠羅納諸莊宮尹辛敗劉師于唐丙辰又敗諸邠甲子尹辛取西闈丙寅攻蒯蒯潰訾子

佗徒河反

訾牆直三邑屬子朝者訾在河南鞏縣西南子朝入于尹自京入尹氏之邑尹圉尹

文公也劉佗劉蚤族敬王黨劉子還以單
 于敗故召伯與南宮極二子周卿士子朝
 黨與召莊公以王如劉辟子朝出居劉子
 邑左巷近東城鄆羅周大夫鄆盼之子尹
 辛尹氏族唐周地西闡周地蒯河南縣西
 南蒯鄉是也於是敬王居狄泉尹氏立子
 朝

莒子庚與虐而好劍苟鑄劍必試諸人國人

患之又將叛齊烏存帥國人以逐之庚與將
 出聞烏存執爰而立於道左懼將止死苑羊
 牧之曰君過之烏存以力聞可矣何必以弑
 君成名遂來奔齊人納郊公

烏存莒大夫爰長丈二而無刃牧之亦莒
 大夫郊公著邱公之子十四年奔齊

吳人伐州來楚薳越帥師及諸侯之師奔命
 救州來吳人禦諸鍾離子瑕卒楚師燔吳公

春秋左傳

卷五十一

昭公

二十七

管仲

子光曰諸侯從於楚者眾而皆小國也畏楚而不獲已是以來吾聞之曰作事威克其愛雖小必濟胡沈之君幼而狂陳大夫齧莊而頑與許蔡疾楚政楚令尹死其師燿帥賤多寵政令不壹七國同役而不同心帥賤而不能整無大威命楚可敗也若勿師先以犯胡沈與陳必先奔三國敗諸侯之師乃搖心矣諸侯乖亂楚必大奔請先者去備薄威後

春秋

和古樓

者敦陳整旅吳子從之戊辰晦戰于雞父吳子以罪人三千先犯胡沈與陳三國爭之吳為三軍以繫於後中軍從王光帥右掩餘帥左吳之罪人或奔或止三國亂吳師擊之三國敗獲胡沈之君及陳大夫舍胡沈之囚使奔許與蔡頓曰吾君死矣師譟而從之三國奔楚師大奔書曰胡子髡沈子逞滅獲陳夏齧君臣之辭也不言戰楚未陳也燿子潛反敦陳未陳

春秋左傳

卷五十

昭公

二十

晉書

春秋

皆去聲諫
素報反

稽古樓

遠越帥師時令尹以疾從戎故遠越攝其事子瑕即令尹不起所疾也吳楚之間謂火滅為燔軍之重主喪亡故其軍人無復氣勢克勝也軍事尚威狂無常帥賤遠越非正卿也軍多寵人政令不壹於越七國楚頓胡沈蔡陳許去備薄威示之以不整以誘之敦厚也戊辰七月二十九日遣兵

忌晦戰擊楚所不意以罪人先犯謂囚徒不習戰以示不整從王從吳王也掩餘吳王壽夢子三國許蔡頓胡沈書滅以國君社稷之主與宗廟共其存亡者故稱滅大夫輕故曰獲獲得也楚未陳嫌與陳例相涉故重發之

八月丁酉南宮極震長弘謂劉文公曰君其勉之先君之力可濟也周之亡也其三川震

春秋左傳

卷五十

昭公

二十九

晉書

春秋
今西王之大臣亦震天棄之矣東王必大克
經書乙未地動魯地也丁酉南宮極震周
地亦震也為屋所壓而死文公劉蚩也先
君謂蚩之父獻公也獻公亦欲立子猛未
及而卒三川震謂幽王時也三川涇渭洛
水也地動川岸崩曰西王之大臣以子朝
在王城故謂西王東王必克以敬王居狄
泉在王城之東故曰東王

楚太子建之母在鄭召吳人而啓之冬十月
甲申吳太子諸樊入鄭取楚夫人與其寶器
以歸楚司馬遠越追之不及將死眾曰請遂
伐吳以徼之遠越曰再敗君師死且有罪亡
君夫人不可以莫之死也乃縊於遠澨鄭古

微古
堯反

鄭鄭陽也平王娶秦女廢太子建故母歸
其家諸樊吳王僚之太子微要其勝負再

春秋左傳

卷五十

昭公

三十

晉古書

敗君師謂此年秋敗於雞父設往復敗為

再敗遠溼楚地

公為叔孫故如晉及河有疾而復

此年春晉為邾人執叔孫故公如晉謝之

楚囊瓦為令尹城郢沈尹戌曰子常必亡郢苟不能衛城無益也古者天子守在四夷天子守在諸侯諸侯守在四鄰諸侯卑守在四竟慎其四竟結其四援民狎其野三務成

功民無內憂而又無外懼國焉用城今吳是懼而城於郢守已小矣卑之不獲能無亡乎昔梁伯溝其公宮而民潰民棄其上不亡何待夫正其疆場修其土田險其走集親其民人明其伍候信其鄰國慎其官守守其交禮不僭不貪不懦不耆完其守備以待不虞又何畏矣詩曰無念爾祖聿修厥德無亦監乎若敖蚡冒至于武文土不過同慎其四竟猶

春秋左傳卷五十一 昭公 三十一 晉古樓

不城郢今土數圻而郢是城不亦難乎守其

外皆去聲援于眷反
懦乃亂反者巨支反

囊瓦子囊之孫子常也為令尹代陽句城
郢謂楚用子囊遺言已築郢城矣今畏吳
復增修以自固守在四夷謂德及遠守在
諸侯謂政卑損守四鄰鄰國為之守守四
境裁自元也結其四援結四鄰之國為助
狎安習也三務春夏秋三時之務卑之不

獲謂不獲守四竟梁伯溝公宮在僖十八
年走集邊竟之壘辟明其伍候使民有部
伍相為候望交禮交接之禮懦弱也耆彊
也詩大雅無念念也聿述也義取念祖考
則述治其德以顯之若敖蚡冒武文四君
皆楚先君之賢者土不過同方百里為一
同言未滿一圻今土數圻方千里為圻城
郢亦難言守若是難以為安也為定四年

春秋左傳註卷第五十終

吳入楚傳

春秋左傳註卷第五十終

春秋左傳註卷第五十一

昭二十四年
盡二十五年

晉 杜 預 註

經二十四年春王二月丙戌仲孫獲卒

無傳孟僖子也

媯至自晉

喜得赦歸故書至

夏五月乙未朔日有食之

秋八月大雩

春秋左傳

卷五十一

昭公

晉 杜 預 註

春秋
丁酉杞伯郁釐卒

稱古禮

無傳未同盟而赴以名丁酉九月五日有

日無月

冬吳滅巢

楚邑也書滅用大師

葬杞平公

無傳

傳二十四年春王正月辛丑召簡公南宮嚳

以甘桓公見王子朝劉子謂襄弘曰甘氏又
往矣對曰何害同德度義大誓曰紂有億兆
夷人亦有離德余有亂臣十人同心同德此
周所以興也君其務德無患無人戊午王子
朝入于鄔鄔鳥
戶反

簡公召莊公之子召伯盈也歸南宮極之

子桓公甘平公之子度謀也言唯同心同

德則能謀義子朝不能於我無害離德言

春秋左傳卷五十一 昭公 二 晉丁虞

紂眾億兆兼有四夷不能同德終敗亡同心同德武王言我有治臣十人雖少同心也今大誓無此語子朝入鄔緱氏西南有鄔聚言子朝稍強

晉士彌牟逆叔孫于箕叔孫使梁其蹕待于門內曰余左顧而歎乃殺之右顧而笑乃止叔孫見士伯士伯曰寡君以為盟主之故是以久子不腆敝邑之禮將致諸從者使彌牟

逆吾子叔孫受禮而歸二月媾至自晉尊晉

也蹕戶定反
歎苦伐反

逆叔孫于箕將禮而歸之蹕叔孫家臣曰余左顧乃殺疑士伯來殺已故謀殺之久子謂久執子以謝邾媾至自晉貶媾族所以尊晉媾行人故不言罪已

三月庚戌晉侯使士景伯涖問周故士伯立于乾祭而問於介眾晉人乃辭王子朝不納

春秋

釋古樓

其使

乾音于祭
測界反

涖問周故涖臨也就問子朝敬王知誰曲
直乾祭王城北門介大也不納其使以眾
言子朝曲故

夏五月乙未朔日有食之梓慎曰將水昭子
曰旱也日過分而陽猶不克克必甚能無旱
乎陽不克莫將積聚也

乙未日食以陰勝陽故曰將水陽克甚必

旱言過春分陽氣盛時而不勝陰陽將猥
出故為旱陽將積聚謂陽氣莫然不動乃
將積聚

六月壬申王子朝之師攻瑕及杏皆潰

暇杏敬王邑

鄭伯如晉子大叔相見范獻子獻子曰若王
室何對曰老夫其國家不能恤敢及王室抑
人亦有言曰發不恤其緯而憂宗周之隕為

春秋左傳

卷五十一

昭公

四

信古樓

春秋

科古樓

將及焉今王室實蠢蠢焉吾小國懼矣然大國之憂也吾儕何知焉吾子其早圖之詩曰餅之罄矣惟壘之恥王室之不寧晉之恥也獻子懼而與宣子圖之乃徵會於諸侯期以明年

嫠寡婦也織者常苦緯少寡婦所宜憂將及恐禍及己蠢蠢動擾貌詩小雅壘大器餅小器常稟於壘者而所受罄盡則壘為

無餘故恥之宣子韓起為明年會黃父傳

秋八月大雩旱也

終如叔孫之言

冬十月癸酉王子朝用成周之寶珪于河甲戌津人得諸河上陰不佞以溫人南侵拘得玉者取其玉將賣之則為石王定而獻之與之東訾

用寶珪于河禱河求福也得諸河上珪自

春秋左傳卷五十一 昭公 五 晉古樓

出水也不佞以温南侵不佞敬王大夫晉以温兵助敬王南侵子朝獻之不佞獻王也與之東訾喜得玉故與之邑鞏縣西南訾城是也

楚子為舟師以略吳疆沈尹戌曰此行也楚必亡邑不撫民而勞之吳不動而速之吳踵楚而疆場無備邑能無亡乎越大夫胥犴勞王於豫章之汭越公子倉歸王乘舟倉及壽

夢帥師從王王及圍陽而還吳人踵楚而邊人不備遂滅巢及鍾離而還沈尹戌曰亡郢之始於此在矣王壹動而亡二姓之帥幾如是而不及郢詩曰誰生厲階至今為梗其王之謂乎場音亦犴音岸夢平聲

畧行也行吳界將侵之速召也吳踵楚謂躡楚踵跡汭水曲歸遺也壽夢越大夫圍陽楚地滅巢及鍾離鍾離不書告敗畧二

姓之帥守巢鍾離大夫詩大雅厲惡階道梗病也為定四年吳入郢傳

經二十有五年春叔孫婁如宋

夏叔詣會晉趙鞅宋樂大心衛北宮喜鄭游

吉曹人邾人滕人薛人小邾人于黃父

有鸚鵡來巢

此鳥穴居不在魯界故曰來巢非常故書

秋七月上辛大雩季辛又雩

季辛下旬之辛也言又重上事

九月己亥公孫于齊次于陽州

諱奔故曰孫若自孫讓而去位者陽州齊

魯竟上邑未敢直前故次于竟

齊侯唁公于野井

濟南祝阿縣東有野井亭齊侯來唁公公

不敢遠勞故逆之往至野井

冬十月戊辰叔孫婁卒

春秋左傳

卷五十一

昭公

七

齊古書

公不與小斂而書日者公在外非無恩

十有一月己亥宋公佐卒于曲棘

陳畱外黃縣城中有曲棘里宋地未同盟而赴以名

十有二月齊侯取鄆

取鄆以居公也

傳二十五年春叔孫婁聘于宋桐門右師見之語卑宋大夫而賤司城氏昭子告其人曰

右師其亡乎君子貴其身而後能及人是以有禮今夫子卑其大夫而賤其宗是賤其身也能有禮乎無禮必亡宋公享昭子賦新宮昭子賦車轄明日宴飲酒樂宋公使昭子右坐語相泣也樂祁佐退而告人曰今茲君與叔孫其皆死乎吾聞之哀樂而樂哀皆喪心也心之精爽是謂魂魄魂魄去之何以能久

樂音洛

春秋左傳卷五十一 昭公 八 齊侯取鄆

右師樂大心居桐門司城樂氏之大宗也
卑賤謂其才德薄貴身是以有禮言唯禮
可以貴身貴身故尚禮賤其身謂賤人人
亦賤已無禮必亡爲定十年樂大心出奔
傳新宮逸詩也車轄詩小雅周人思得賢
女以配君子昭子將爲季孫迎宋公女故
賦之右坐謂坐宋公右以相近言改禮坐
樂祁佐助宴禮也哀樂謂可樂而哀樂哀

謂可哀而樂魂魄去何以能久爲此冬叔

孫宋公卒傳

季公若之姊爲小邾夫人生宋元夫人生子
以妻季平子昭子如宋聘且逆之公若從謂
曹氏勿與魯將逐之曹氏告公公告樂祁樂
祁曰與之如是魯君必出政在季氏三世矣
魯君喪政四公矣無民而能逞其志者未之
有也國君是以鎮撫其民詩曰人之云亡心

春秋左傳

卷五十一

昭公

九

魯書

之憂矣魯君失民矣焉得逞其志靖以待命
猶可動必憂

小邾夫人季平子庶姑與公若同母故曰
公若姊宋元夫人平子之外姊昭子聘且
逆以平子人臣而因卿逆季氏強橫公若
從從昭子也曹氏宋元夫人季氏三世謂
文子武子平子魯君四公宣成襄昭也詩
大雅言無人則憂患至動必憂為下公孫

傳

夏會于黃父謀王室也趙簡子令諸侯之大
夫輸王粟具戍人曰明年將納王子大叔見
趙簡子簡子問揖讓周旋之禮焉對曰是儀
也非禮也簡子曰敢問何謂禮對曰吉也聞
諸先大夫子產曰夫禮天之經也地之義也
民之行也天地之經而民實則之則天之明
因地之性生其六氣用其五行氣為五味發

水火左傳

卷五十一

昭公

十

晉古書

春利
利古樓
為五色章為五聲淫則昏亂民失其性是故
為禮以奉之為六畜五牲三犧以奉五味為
九文六采五章以奉五色為九歌八風七音
六律以奉五聲為君臣上下以則地義為夫
婦外內以經二物為父子兄弟姊妹甥舅昏
媾姻亞以象天明為政事庸力行務以從四
時為刑罰威獄使民畏忌以類其震曜殺戮
為溫慈惠和以效天之生殖長育民有好惡

喜怒哀樂生于六氣是故審則宜類以制六
志哀有哭泣樂有歌舞喜有施舍怒有戰鬪
喜生于好怒生于惡是故審行信令禍福賞
罰以制死生好物也死惡物也好物樂也
惡物哀也哀樂不失乃能協于天地之性
是以長久簡子曰甚哉禮之大也對曰禮上
下之紀天地之經緯也民之所以生也是以先
王尚之故人之能自曲直以赴禮者謂之成

人夫不亦宜乎簡子曰鞅也請終身守此言也宋樂大心曰我不輸粟我於周爲客若之何使客晉士伯曰自踐土以來宋何役之不會而何盟之不同曰同恤王室子焉得辟之子奉君命以會大事而宋背盟無乃不可乎右師不敢對受牒而退士伯告簡子曰宋右師必亡奉君命以使之欲背盟以干盟主無不祥大焉之行去聲

謀王室以王室有子朝亂謀定之簡子趙鞅納王謂納王於王城經者道之常義者利之宜行者人所履行則天之明日月星辰天之明也因地之性高下剛柔地之性也六氣謂陰陽風雨晦明五行金木水火土五味酸鹹辛苦甘五色青黃赤白黑發見也五聲宮商角徵羽民失其性謂滋味聲色過則傷性禮以奉之謂制禮以奉其

性六畜馬牛羊雞犬豕五牲麋鹿麀狼兔
三犧祭天地宗廟三者謂之犧九文謂山
龍華蟲藻火粉米黼黻也華若草華藻水
草火畫火粉米若白米黼若斧黻若兩已
相戾傳曰火龍黼黻昭其文也六采畫績
之事雜用天地四方之色青與白赤與黑
玄與黃皆相次謂之六色五章以奉五色
青與赤謂之文赤與白謂之章白與黑謂

之黼黑與青爲之黻五色備謂之繡集此
五章以奉成五色之用九歌八風七音六
律五聲俱解見二十年則地義謂君臣有
尊卑法則有高下經二物謂夫治外婦治
內各治其物象天明謂父子至姻亞六親
和睦以事嚴父若辰星之共辰極也妻父
曰昏重昏曰媾婿父曰姻兩婿相謂曰
政事庸力行務謂在君爲政在臣爲事民

功曰庸治功曰力行其德教務其時要禮之本也類其震曜殺戮請雷震電曜天之威也聖人作刑戮以象類之好惡喜怒哀樂此六者皆稟陰陽風雨晦明之氣制六志言爲禮以制好惡喜怒哀樂六志使不過節協和也經緯錯居以相成者起禮謂之成人言能曲直以弼其性執請終身守此唯執能守此言故終免於晉陽之難於

周爲客言二王後爲賓客踐一在僖二十八年右師樂大心無不祥大心不善無大此者爲定十年宋樂大心出奔傳

有鸛鶴來巢書所無也師已曰異哉吾聞文武之世童謠有之曰鸛之鶴之公出辱之鸛鶴之羽公在外野往饋之馬鸛鶴跣跣公在乾侯徵褰與襦鸛鶴之巢遠哉遙遙稠父喪勞宋父以騎鸛鶴鸛鶴往歌來哭童謠有是

春秋左傳

卷五十一

昭公

十四

晉古農

今鸛鶴來巢其將及乎

己音紀 踈張于反 禱而朱反 禱苦故反

師已魯大夫童謠有之言鸛鶴來則公出辱也饋遺也踈踈跳行貌褰袴也稠父昭公死外故喪勞宋父定公代立故以驕往歌來哭謂昭公生出歌死還哭將及言將及禍也

秋書再雩旱甚也

初季公鳥娶妻於齊鮑文子生申公鳥死季

公亥與公思展與公鳥之臣申夜姑相其室及季妣與嬖人檀通而懼乃使其妾扶已以示秦遄之妻曰公若欲使余余不可而扶余又訴於公甫曰展與夜姑將要余秦姬以告公之公之與公甫告平子平子拘展於下而執夜姑將殺之公若泣而哀之曰殺是是殺余也將為之請平子使豎勿內日中不得請有司逆命公之使速殺之故公若怨平子季

郈之雞鬪季氏介其雞郈氏爲之金距平子怒益宮於郈氏且讓之故郈昭伯亦怨平子臧昭伯之從弟會爲讒於臧氏而逃於季氏臧氏執旃平子怒拘臧氏老將禘於襄公萬者二人其眾萬於季氏臧孫曰此之謂不能庸先君之廟大夫遂怨平子公若獻弓於公爲且與之出射於外而謀去季氏公爲告公果公賁公果公賁使侍人僚祖告公公寢將

以戈擊之乃走公曰執之亦無命也懼而不
出數月不見公不怒又使言公執戈以懼之
乃走又使言公曰非小人之所及也公果自
言公以告臧孫臧孫以難告郈孫郈孫以可
勸告子家懿伯懿伯曰讒人以君微幸事若
不克君受其名不可爲也舍民數世以求克
事不可必也且政在焉其難圖也公退之辭
曰臣與聞命矣言若洩臣不獲死乃館於公

春秋
叔孫昭子如鬪公居於長府九月戊戌伐季氏殺公之于門遂入之平子登臺而請曰君不察臣之罪使有司討臣以干戈臣請待於沂上以察罪弗許請囚于費弗許請以五乘亡弗許子家子曰君其許之政自之出久矣隱民多取食焉為之徒者眾矣日入慝作弗可知也眾怒不可蓄也蓄而弗治將蕓蕓蓄民將生心生心同求將合君必悔之弗聽

孫曰必殺之公使邠孫逆孟懿子叔孫氏之司馬驪戾言於其眾曰若之何莫對又曰我家臣也不敢知國凡有季氏與無於我孰利皆曰無季氏是無叔孫氏也驪戾曰然則救諸帥徒以往陷西北隅以入公徒釋甲執冰而踞遂逐之孟氏使登西北隅以望季氏見叔孫氏之旌以告孟氏執邠昭伯殺之于南門之西遂伐公徒子家子曰諸臣偽劫君者

春秋
而負罪以出君止意如之事君也不敢不改
公曰余不忍也與臧孫如墓謀遂行己亥公
孫于齊次于陽州齊侯將唁公于平陰公先
至于野井齊侯曰寡人之罪也使有司待于
平陰爲近故也書曰公孫于齊次于陽州齊
侯唁公于野井禮也將求於人則先下之禮
之善物也齊侯曰自莒疆以西請致于社以
待君命寡人將帥敝賦以從執事唯命是聽

君之憂寡人之憂也公喜子家子曰天祿不
再天若胙君不過周公以魯足矣失魯而以
于社爲臣誰與之立且齊君無信不如早之
晉弗從臧昭伯率從者將盟載書曰戮力壹
心好惡同之信罪之有無繼繼從公無通外
內以公命示子家子家子曰如此吾不可
以盟羈也不佞不能與二三子同心而以爲
皆有罪或欲通外內且欲去君二三子好亡

而惡定焉可同也陷君於難罪孰大焉通外
 內而去君君將速入弗通何為而何守焉乃
 不與盟昭子自闕歸見平子平子稽顙曰子
 若我何昭子曰人誰不死子以逐君成名子
 孫不忘不亦傷乎將若子何平子曰苟使意
 如得改事君所謂生死而肉骨也昭子從公
 于齊與公言子家子命適公館者執之公與
 昭子言於幄內曰將安眾而納公公徒將殺

昭子伏諸道左師展告公公使昭子自鑄歸

平子有異志冬十月辛酉昭子齊於其寢使

祝宗祈死戊辰卒左師展將以公乘馬而歸

公徒執之夜本或作射又音亦扶救乙反要平聲屈音后從去聲賁音奔相側

加反蒞紆粉反齊於音齋

公烏季公亥之兄平子庶叔父公亥即公

若也展季氏族相治也季嬀公烏妻鮑文

子女養人食官秦遄魯大夫妻公烏妹秦

姬也公甫平子弟要劫我以非禮公之亦平子弟有司逆命謂執夜姑之有司欲迎受殺生之命季郈之雞鬪以季平子郈昭伯二家相近故雞鬪介其雞謂擣芥子播其羽也或曰以膠沙播之爲介雞平子怒怒其不下己益宮郈氏謂侵郈氏室以自益讓責也昭伯臧爲子禘祭也萬舞也於禮公當三十六人不能庸言不能用禮也

蓋襄公別立廟公爲昭公子務人果賁皆公爲弟執之無命謂獨言執之無救命也非小人所及謂僚相爲小人臧孫以難言難逐也子家羈莊公之玄孫受其名受惡名也公退之退使去也館於公以恐受洩命之罪故畱公宮以自明闕魯邑長府官府名請待於沂上魯城南自有沂水平子欲出城待罪也大沂水出蓋縣南至下邳

入泗隱約窮困隱姦惡也日冥姦人將起
叛君助季氏不可知眾怒季氏眾也蒞積
也同求將合謂與季氏同求叛君者懿子
仲孫何忌莫對眾疑所助陷西北隅以入
陷公圍也釋甲執冰言無戰心也冰積丸
蓋或云積丸是箭筈其蓋可以取飲逐之
逐公徒也負罪以出君言使若非君本意
者君自可止不出意如季平子名如篡謀

謂辭先君且謀所奔也仲 日司待于平陰
齊侯自咎本不敕有司遠 而陽州而欲近
會于平陰故令魯侯過其先至野井遠見
迎逆自咎以謝公物事也謂先往至野井
請致于社二十五家爲社千社一萬五千
家欲以給公待君命謂待君伐季氏之命
爲臣爲齊臣也信罪之有無信明也處者
有罪從者無罪繾綣不離散皆有罪謂從

者陷君留者逐君皆有罪也去君言偽負
罪出奔不必繼從公何守何必守公也
命適公館者執之恐從者知叔孫謀納公
昭子請歸安眾伏諸道伏兵也使自鑄歸
辟伏兵也平子有異志不欲復納公使祝
宗祈死恥為平子所欺因祈而自怨長魯
大夫乘馬而歸欲與公俱輕歸也

壬申尹文公涉于鞏焚東訾弗克

文公子朝黨於鞏縣涉洛水也東訾敬王
邑

十一月宋元公將為公故如晉夢大子欒即
位於廟已與平公服而相之且召六卿公曰
寡人不佞不能事父兄以為二三子憂寡人
之罪也若以羣子之靈獲保首領以沒唯是
編柎所以藉幹者請無及先君仲幾對曰君
若以社稷之故私降昵宴羣臣弗敢知若夫

春秋

卷五十一

宋國之法死生之度先君有命矣羣臣以死守之弗敢失隊臣之失職常刑不赦臣不忍其死君命祇辱宋公遂行己亥卒于曲棘音梟

駢附音附
昵女乙反

為公如晉請納公也平公元公父父兄謂華向榘榘棺中苓牀也幹骸骨也請無及先君欲自貶損昵近也降昵宴謂損親近聲樂飲食之事君命祇辱言君命必不行

祇適也宋公遂行卒于曲棘為明年梁邱

據語起本

十二月庚辰齊侯圍鄆

欲取以居公不書圍鄆人自服不成圍

初臧昭伯如晉臧會竊其寶龜僕句以下為信與僭僭吉臧氏老將如晉問會請往昭伯問家故盡對及內子與母弟叔孫則不對再三問不對歸及郊會逆問又如初至次於外

春秋左傳

卷五十一

昭公

三十三

晉古庚

而察之皆無之執而戮之逸奔郕郕魴假使
 為賈正焉計於季氏臧氏使五人以戈楯伏
 諸桐汝之間會出逐之反奔執諸季氏中門
 之外平子怒曰何故以兵入吾門拘臧氏老
 季臧有惡及昭伯從公平子立臧會會曰僕
 句不余欺也

僕音旅魴音房賈音嫁楯食準反

僕句龜所出地名僭不信也老將如孫問
 問昭伯起居會請往代家老行故事也內

子昭伯妻不對若有他故及郊問如初又
 不對也郕在東平無鹽縣東南魴假郕邑
 大夫賈正掌貨物使有長賈若市吏計於
 季氏送計簿於季氏桐汝里名季臧有惡
 謂相怨惡立臧會立以為臧氏後僕句不
 欺傳言卜筮之驗善惡由人

楚子使蘧射城州屈復茄人焉城邱皇遷訾
 人焉使熊相禠郭巢季然郭卷子大叔聞之

春秋左傳卷五十一昭公二十五年晉古婁

曰楚王將死矣使民不安其土民必憂憂將及王弗能久矣茄音加 禱音梅

復茄人還復茄人於州屈遷訾人移訾人

於邱皇郭巢郭卷使二大夫為巢卷築郭

也卷城在南陽葉縣南王弗能久為明年

楚子居卒傳

春秋左傳註卷第五十一終

利左傳註卷第五十二

昭二十六年 盡二十八年

晉 杜預 註

二十有六年春王正月葬宋元公

三月而葬速

月公至自齊居于鄆

貞公國成

成孟氏邑不書齊師帥賤眾少重在公

秋公會齊侯莒子邾子杞伯盟于鄆陵鄆音專

春秋左傳註卷五十二 昭公 一 晉左傳

鄭陵地闕

公至自會居于郚

無傳

九月庚申楚子居卒

未同盟而赴以名

冬十月天王入于成周

傳言王入在子朝奔後經在前者子朝來告晚

尹氏召伯毛伯以王子朝奔楚

召伯當言召氏經誤也尹召族奔非一人

故言氏書奔在王入下者王入乃告諸侯

傳二十六年春王正月庚申齊侯取郚

前年已取郚至是乃發傳者為公處郚起

葬宋元公如先君禮也

善宋人違命以合禮

三月公至自齊處于郚言魯地也

齊火左傳

卷五十二

昭公

二

信

八傳 故書 猶在外故書地

夏齊侯將納公命無受魯貨申豐從女賈以幣錦二兩縛一如瑱適齊師謂子猶之人高齎能貨子猶為高氏後粟五千庾高齎以錦示子猶子猶欲之歸曰魯人買之百兩一布以道之不通先入幣財子猶受之言於齊侯曰羣臣不盡力于魯君者非不能事君也然據有異焉宋元公為魯君如晉卒於曲棘叔

孫昭子求納其君無疾而死不知天之棄魯耶抑魯君有罪於鬼神故及此也君若待於曲棘使羣臣從魯君以下焉若可師有濟也君而繼之茲無敵矣若其無成君無辱焉齊侯從之使公子鉏帥師從公成大夫公孫朝謂平子曰有都以衛國也請我受師許之請納質弗許曰信女足矣告於齊師曰孟氏魯之敝室也用成已甚弗能忍也請息肩于齊

春秋
齊師圍成成人伐齊師之飲馬於淄者曰將
以厭眾魯成備而後告曰不勝眾師及齊師
戰于炊鼻齊子淵捷從洩聲子射之中楯及
繇胸次輶七入者三寸聲子射其馬斬鞅瘡
改駕人以爲駸戾也而助之子車曰齊人也
將擊子車子車射之瘡其御曰又之子車曰
眾可懼也而不可怒也子囊帶從野洩叱之
洩曰軍無私怒報乃私也將亢子又叱之亦

叱之冉豎射陳武子中手失弓而罵以告平
子曰有君子白皙鬢鬚眉甚口平子曰必子
疆也無乃亢諸對曰謂之君子何敢亢之林
雍羞爲顏鳴右下苑何忌取其耳顏鳴去之
苑子之御曰視下顧苑子荆林雍斷其足鑿
而乘於他車以歸顏鳴三人齊師呼曰林雍
乘女音汝縛直轉反填他殿反齧魚綺反庚
羊主反質音致飲於鳩反淄側其反厭於
冉反勝音升射食亦反楯常允反繇音由胸
其俱反七必履反瘡於計反叱昌實反罵馬
春秋左傳卷五十二 昭公 四 魯古樓

看利

嫁反鬻之忍反苑於阮反荆父勿反斷丁管反鑿遣政反

利古村

豐賈二人皆季氏家臣二丈為一端二端為一兩所謂匹也二兩二匹瑱充耳縛卷也急卷使如充耳易懷藏齧子猶家臣子猶梁邱據為高氏後粟五千庾言若能為我行貨於子猶當為請使得為高氏後又當致粟五千庾庾十六斗凡八千斛百兩一布言魯人買此甚多布陳之以百兩為

數日羣臣不盡力于魯君欲行其說故先示欲盡力納魯君異猶怪也卜謂卜知可伐否鉏齊大夫請我受師欲以成邑禦齊師納質恐見疑敝壞也請息肩于齊公孫朝詐齊師言欲降使來取成成人伐齊師將以厭眾心不欲使知已降也淄水出泰山梁父縣西北入汶備而後告齊言眾不欲降已不能勝戰于炊鼻季氏師距公非

春秋左傳

卷五十二

昭公

五

管古樓

公命則不書炊鼻魯地聲子魯大夫瓦楯
 脊七入者三寸入楯瓦也胸車輓車轅
 繇過也汰矢激七矢鏃也殪死也人魯人
 也驪叔孫氏司馬子車即淵捷曰又之
 又欲使射餘人囊帶齊大夫野洩即聲子
 軍無私怒欲以公戰禦之不欲私報其叱
 子囊復叱之野洩亦叱也言齊無戰心但
 相叱冉豎季氏臣射武子中手武子罵子

彊武子字何敢亢之僞言不敢違季氏林
 雍顏鳴皆魯人羞為右故下車戰何忌齊
 大夫不欲殺雍但截其耳以辱之顏鳴以
 其右見獲懼而去之御曰視下顧復欲使
 苑子擊其足鑿一足行顏鳴三入齊師言
 魯人皆致力於季氏不以私怨而相棄

四月單子如晉告急五月戊午劉人敗王城
 之師于尸氏戊辰王城人劉人戰于施谷劉

師敗績

劉人劉蚩之屬王城子朝之徒尸在鞏縣西南偃師城施谷周地

秋盟于鄆陵謀納公也

齊侯謀

七月己巳劉子以王出庚午次于渠王城人焚劉丙子王宿于褚氏丁丑王次于荏谷庚辰王入于偃靡辛巳王次于滑音知躒趙鞅

帥師納王使女寬守闕塞

褚張呂反荏音九知音智躒音歷女

音汝塞素代反

劉子以王出師敗懼而出渠周地焚劉燒劉子邑王宿于褚氏洛陽縣南有褚氏亭荏谷胥靡滑皆周地胥靡滑本鄭邑女寬晉大夫闕塞洛陽西南伊闕口也守之備子朝

九月楚平王卒令尹子常欲立子西曰太子

春秋左傳

卷五十二

昭公

七

宣其

春秋

卷五十二

王弱其母非適也王子建實聘之子西長而
 好善立長則順建善則治王順國治可不務
 乎子西怒曰是亂國而惡君王也國有外援
 不可瀆也王有適嗣不可亂也敗親速讐亂
 嗣不祥我受其名賂吾以天下吾滋不從也
 楚國何為必殺令尹令尹懼乃立昭王適丁歷反
 子西平王之長庶王昭王也惡君王言王

賂音路

子建聘之是章君王之惡外援秦也瀆慢
 也速讐言不立王秦將來討是速讐也我
 受其名受惡名滋益也

冬十月丙申王起師于滑辛丑在郊遂次于
 尸十一月辛酉晉師克鞏召伯盈逐王子朝
 王子朝及召氏之族毛伯得尹氏固南宮嚳
 奉周之典籍以奔楚陰忌奔莒以叛召伯逆
 王子尸及劉子單子盟遂軍圍澤次于隄上

春秋左傳

卷五十二

昭公

八

信古樓

春秋
癸酉王入于成周甲戌盟于襄宮晉師使成
公般戍周而還十二月癸未王入于莊宮王
子朝使告于諸侯曰昔武王克殷成王靖四
方康王息民並建母弟以蕃屏周亦曰吾無
專享文武之功且爲後人之迷敗傾覆而溺
入于難則振救之至于夷王王愆于厥身諸
侯莫不並走其望以祈王身至于厲王王心
仄虐萬民弗忍居王于彘諸侯釋位以開王

政宣王有志而後效官至于幽王天不弔周
王昏不若用愆厥位攜王好命諸侯替之而
建王嗣用遷邾邠則是兄弟之能用力於王
室也至于惠王天不靖周生頽禍心施于叔
帶惠襄辟難越去王都則有晉鄭咸黜不端
以綏定王家則是兄弟之能率先王之命也
在定王六年秦人降妖曰周其有頽王亦克
能修其職諸侯服享二世共職王室其有閒
魯火左傳卷五十二昭公九晉古樓

王位諸侯不圖而受其亂災至于靈王生而有
有顓王甚神聖無惡於諸侯靈王景王克終
其世今王室亂單旗劉狄劉亂天下壹行不
若謂先王何常之有唯余心所命其誰敢討
之帥羣不弔之人以行亂于王室侵欲無厭
規求無度貫瀆鬼神慢棄刑法倍奸齊盟傲
很威儀矯誣先王晉爲不道是攝是贊思肆
其罔極茲不穀震盪播越竄在荆蠻未有攸

庶若我一二兄弟甥舅獎順天法無助狡獪
以從先王之命毋速天罰救圖不穀則所願
也敢盡布其腹心及先王之經而諸侯實深
圖之昔先王之命曰王后無適則擇立長年
鈞以德德鈞以下王不立愛公卿無私古之
制也穆后及太子壽早夭卽世單劉贊私立
少以閒先王亦唯伯仲叔季圖之閔馬父聞
子朝之辭曰文辭以行禮也子朝于景之命

春秋

稽古

遠晉之大以專其志無禮甚矣文辭何為

低般音班覆音福開去聲奸音干施音異顏子斯反厭於鹽反貫古患反很戶懇反矯居表反竄七亂反底音旨狡古卯反猾于八反適丁歷反

起發也郊子朝邑晉師知躒趙鞅之師逐

王子朝伯盈本黨子朝晉師克鞏知子朝

不成更逐之而逆敬王尹召二族皆奔故

稱氏重見尹固名者為後還見殺陰忌子

朝黨莒周邑召伯新還故盟圍澤隄上皆

周地成周今洛陽襄宮襄王之廟般晉大

夫莊宮在王城曰無專享唯不敢專故建

母弟夷王厲王父也愆惡疾也萬民弗忍

不忍害王也厲王之末周人流王子彘閒

猶與也去其位與治王之政事宣王厲王

子彘之亂宣王尚少召公虎取而長之效

授也幽王宣王子若順也愆失也攜王幽

王少子伯服也王嗣宜曰也幽王后申姜

春秋左傳卷五十二昭公十一 晉左傳

生太子宜臼王幸褒姒生伯服欲立之而
殺太子太子奔申申伯與鄆及西戎伐周
戰于戲幽王死諸侯廢伯服而立宜臼是
為平王東遷郊廓惠王平王六世孫頹惠
王庶叔也莊十九年作亂惠王適鄭襄王
惠王子叔帶襄王弟僖二十四年叔帶作
難襄王處汜黜去也晉文殺叔帶鄭厲殺
子頹為王室去不端直之人定王襄王孫

定王六年魯宣八年二世謂靈景閒王位
謂子朝也今子朝以為王猛受亂災謂楚
也今子朝以為晉靈王定王孫景王靈王
子單旗穆公也劉狄劉蚤也壹專也言先
王無常法弔至也貫習也瀆易也攝持也
贊佐也先王謂景王肆放也茲此也此不
穀子朝自謂底至也攸所也赦圖不穀謂
赦其憂而圖其難無適立長年鈞以德德

鈞以下此所謂先王之經穆后太子即世在十五年閒先王謂閒錯先王之制伯仲

叔季總謂諸侯專志無禮傳終王室亂

齊有彗星齊侯使禳之晏子曰無益也祇取誣焉天道不詔不貳其命若之何禳之且天之有彗也以除穢也君無穢德又何禳焉若德之穢禳之何損詩曰惟此文王小心翼翼昭事上帝聿懷多福厥德不回以受方國君

無違德方國將至何患於彗詩曰我無所暨夏后及商用亂之故民卒流亡若德回亂民將流亡祝史之為無能補也公說乃止齊侯與晏子坐于路寢公歎曰美哉室其誰有此乎晏子曰敢問何謂也公曰吾以為在德對曰如君之言其陳氏乎陳氏雖無大德而有施於民豆區釜鍾之數其取之公也薄其施之民也厚公厚斂焉陳氏厚施焉民歸之矣

詩曰雖無德與女式歌且舞陳氏之施民歌
舞之矣後世若少惰陳氏而不亡則國其國
也已公曰善哉是可若何對曰唯禮可以已
之在禮家施不及國民不遷農不移工賈不
變士不濫官不滔大夫不收公利公曰善哉
我不能矣吾今而後知禮之可以爲國也對
曰禮之可以爲國也久矣與天地並君令臣
共父慈子孝兄愛弟敬夫和妻柔姑慈婦聽

禮也君令而不違臣其而不貳父慈而敬子
孝而箴兄愛而友弟敬而順夫和而義妻柔
而正姑慈而從婦聽而婉禮之善物也公曰
善哉寡人今而後聞此禮之上也對曰先王
所稟於天地以爲其民也是以先王上之
歲反禳如羊反說音悅施式鼓反區
烏侯反女音汝工賈音古共音恭
彗星出齊之分野不書魯不見禳謂祭以

禳除之誣欺也諂疑也詩大雅翼翼其也

非惟也回違也言文王德不違天人故四方之國歸往之詩逸詩也言追監夏商之亡皆以亂故公歎其室景公自知德不能久有國故歎也取之薄謂以公量收施之厚謂以私量貸詩小雅義取雖無大德要有喜說之心欲歌舞之式用也不遷不移不變謂各守常業士不濫謂不失職伯慢也大夫不收公利不作福也禮與天地並

言有天地則禮義興箴諫也從不自專婉順也稟受也

經二十有七年春公如齊

自鄆行

公至自齊居于鄆

夏四月吳弑其君僚

僚亟戰民罷又伐楚喪故光乘閒而動稱國以弑罪在僚

春秋左傳卷五十二 昭公 十五 晉左傳

楚殺其大夫卻宛

宛於阮反

無極楚之讒人宛所明知而信之取

敗亡故書名罪宛

秋晉士鞅宋樂祁黎衛北宮喜曹人邾人滕人會于扈

冬十月曹伯午卒

無傳未同盟而赴以名

邾快來奔

無傳快邾命卿也故書

公如齊

自鄆行

公至自齊居于鄆

無傳

傳二十七年春公如齊公至自齊處于鄆言在外也

在外邑故書地

春秋
吳子欲因楚喪而伐之使公子掩餘公子燭庸帥師圍潛使延州來季子聘于上國遂聘于晉以觀諸侯楚秀尹然王尹麋帥師救潛左司馬沈尹戌帥都君子與王馬之屬以濟師與吳師遇於窮令尹子常以舟師及沙汭而還左尹郤宛工尹壽帥師至于潛吳師不能退吳公子光曰此時也弗可失也告鱣設諸曰上國有言曰不索何獲我王嗣也吾欲

求之事若克季子雖至不吾廢也鱣設諸曰王可弑也母老子弱是無若我何光曰我爾身也夏四月光伏甲於堀室而享王王使甲坐於道及其門門階戶席皆王親也夾之以鉞羞者獻體改服於門外執羞者坐行而入執鉞者夾承之及體以相授也光僞足疾入于堀室鱣設諸寘劍於魚中以進抽劍刺王鉞交於胷遂弑王闔廬以其子爲卿季子至

春秋左傳

卷五十二

昭公

十七

嘗一妻

春秋 卷五十二 昭公 十六 信古樓

曰苟先君無廢祀民人無廢主社稷有奉國
家無傾乃吾君也吾誰敢怨哀死事生以待
天命非我生亂立者從之先人之道也復命
哭墓復位而待吳公子掩餘奔徐公子燭庸
奔鍾吾楚師聞吳亂而還莠由九反糜九倫
反戍音恤納如鏡
反鮪音專索所白反掘苦忽反鉞音
皮反抽救留反刺七亦反闔戶臘反
楚喪以前年楚平王卒掩餘燭庸二子皆
王僚母弟潛楚邑在廬江六縣西南季子

本封延陵後復封州來故曰延州來觀諸
侯謂觀疆弱二尹楚官然麋其名都君子
在都邑之士有復除者王馬之屬王之養
馬官屬校人也濟益也沙水名師不能退
以楚師疆故吳不得退去時弗可失欲因
其師徒在外國不堪役以弑王光吳王諸
樊子也故曰我王嗣季子至謂聘還無若
我何猶言我無若是何欲以老弱託光我

春秋 左傳 卷五十二 昭公 十六 信古樓

爾身言我身猶爾身掘室掘地爲室使甲
坐道及門謂坐道邊至光門羞進食也獻
體解衣坐行膝行夾承之承執羞者及體
以授鉞及進羞者體以所食授王光入掘
室恐難作王黨殺已素辟之寘劍魚中以
全魚炙鉞交於胷謂交鱗諸胷闔廬光也
以鱗諸子爲卿先人之道謂吳自諸樊以
下兄弟相傳而不立適是亂由先人起也

季子自知力不能討光故云爾復命哭墓
復使命於僚墓復位而待復本位待光命

鍾吾小國言聞吳亂明卻宛不取賂而還

卻宛直而和國人說之鄆將師爲右領與費
無極比而惡之令尹子常賄而信讒無極譖
卻宛焉謂子常曰子惡欲飲子酒又謂子惡
令尹欲飲酒於子氏子惡曰我賤人也不足
以辱令尹令尹將必來辱爲惠已甚吾無以

酬之若何無極曰令尹好甲兵子出之吾擇焉取五甲五兵曰寘諸門令尹至必觀之而從以酬之及饗日帷諸門左無極謂令尹曰吾幾禍子子惡將爲子不利甲在門矣子必無往且此役也吳可以得志子惡取賂焉而還又誤羣帥使退其師曰乘亂不祥吳乘我喪我乘其亂不亦可乎令尹使視郤氏則有甲焉不往召鄢將師而告之將師退遂令攻

郤氏且燕之子惡聞之遂自殺也國人弗燕令曰不燕郤氏與之同罪或取一編管焉或取一秉秆焉國人投之遂弗燕也令尹炮之盡滅郤氏之族黨殺陽令終與其弟完及佗與管陳及其子弟晉陳之族呼於國曰鄢氏費氏自以爲王專禍楚國弱寡王室蒙王與令尹以自利也令尹盡信之矣國將如何令

尹病之說音悅鄢於晚反費扶味反此毗志反諧側鳩反飲於鳩反燕如悅反編

春秋左傳卷五十二 昭公二十 信古婁

春秋

卷五十二

必然反管古顏反矜古但反炮彭交反佗徒何反呼火故反

宛直而和謂以直事君以和接類右領官名惡之惡郤宛子惡郤宛名酬報獻也擇謂擇此以進子常曰無極辭惟諸門左張帷陳甲兵其中此役謂此春救潛之役召鄢將師而告之告子惡門有甲兵將害己熟燒也編菅苦也秉把也矜橐也令尹炮之炮燔郤宛令終陽甸子晉陳楚大夫皆

郤氏之黨蒙欺也令尹病之為不殺無極

張本

秋會于扈令戍周且謀納公也宋衛皆利納公固請之范獻子取貨於季孫謂司城子梁與北宮貞子曰季孫未知其罪而君伐之請囚請亡於是乎不獲君又弗克而自出也夫豈無備而能出君乎季氏之復天救之也休公徒之怒而啓叔孫氏之心不然豈其伐人

春秋左傳

卷五十二

昭公

三

管右樓

而說甲執冰以游叔孫氏懼禍之濫而自同
 於季氏天之道也魯君守齊三年而無成季
 氏甚得其民淮夷與之有十年之備有齊楚
 之援有天之贊有民之助有堅守之心有列
 國之權而弗敢宣也事君如在國故鞅以為
 難二子皆圖國者也而欲納魯君鞅之願也
 請從二子以圍魯無成死之二子懼皆辭乃
 辭小國而以難復說他活反

子梁宋樂祁也貞子衛北宮喜復猶安也
 休息也淮夷魯東夷有齊楚之援公雖在
 齊言齊不致力宣用也事君如在國書公
 行告公至是也以難復謂以難納白晉君
 孟懿子陽虎伐邾邾人將戰子家子曰天命
 不惰久矣使君亡者必此眾也天既禍之而
 自福也不亦難乎猶有鬼神此必敗也嗚呼
 為無望也夫其死於此乎公使子家子如晉

公徒敗于且知

惟他刀反大音扶且子餘反

陽虎季氏家臣伐鄆欲奪公懼疑也言棄君不疑使君亡者必此眾言君據鄆眾以與魯戰必敗亡且知近鄆地也

楚郤宛之難國言未已進胙者莫不謗令尹沈尹戌言於子常曰夫左尹與中廢尹莫知其罪而子殺之以興謗讟至于今不已戍也惑之仁者殺人以掩謗猶弗為也今吾子殺

人以興謗而弗圖不亦異乎夫無極楚之讒人也民莫不知去朝吳出蔡侯朱喪太子建殺連尹奢屏王之耳目使不聰明不然平王之温惠共儉有過成莊無不及焉所以不獲諸侯邇無極也今又殺三不辜以興大謗幾及子矣子而不圖將焉用之夫鄆將師矯子之命以滅三族國之良也而不愆位吳新有君疆場日駭楚國若有大事子其危哉知者

除讒以自安也今子愛讒以自危也甚矣其
 惑也子常曰是死之罪敢不良圖九月己未
 子常殺費無極與鄆將師盡滅其族以說于
 國謗言乃止難乃旦反胙才故反廢九又反
 音機烏於虔反矯
 居表反場音亦

進胙國中祭祀也謗詛也左右郤宛也中
 廋尹陽令終去朝吳在十五年出蔡侯朱
 在二十一年喪大子建殺連尹奢在二十

年邇近也三不辜郤氏陽氏晉陳氏不愆

位謂在位無愆過吳新有君光新立也

冬公如齊齊侯請饗之子家子曰朝夕立於
 其朝又何饗焉其飲酒也乃飲酒使宰獻而
 請安子仲之子曰重為齊侯夫人曰請使重
 見子家子乃以君出十二月晉籍秦致諸侯
 之戍于周魯人辭以難見音現

請饗之欲設饗禮宰獻請安北公於大夫

也禮君不敵臣宴大夫使宰為主獻獻爵也請安齊侯請自安不在坐也子仲魯公子慙也十二年謀逐季氏不能而奔齊今行飲酒禮而欲使重見從宴媒也以君出辟齊夫人魯人辭以難經所以不書戊周籍秦籍談子

經二十有八年春王三月葬曹悼公

無傳六月而葬緩

公如晉次于乾侯

乾侯在魏郡斥邱縣晉竟內邑

夏四月丙戌鄭伯寧卒

無傳未同盟而赴以名

六月葬鄭定公

無傳三月而葬速

秋七月癸巳滕子寧卒

無傳未同盟而赴以名

春秋左傳

卷五十二

昭公

三十五

晉下集

冬葬滕悼公

無傳

傳二十八年春公如晉將如乾侯子家子曰
 有求於人而即其安人孰矜之其造於竟弗
 聽使請逆於晉晉人曰天禍魯國君淹恤在
 外君亦不使一个辱在寡人而即安於甥舅
 其亦使逆君使公復于竟而後逆之

齊侯卑公故適晉欲使次于竟以待命一

个單使亦使逆君言自使齊逆君公復于
 竟而後逆逆著乾侯也言公不能用于家
 所以見辱

晉祁勝與鄆臧通室祁盈將執之訪於司馬
 叔游叔游曰鄭書有之惡直醜正實蕃有徒
 無道立矣子懼不免詩曰民之多辟無自立
 辟姑已若何盈曰祁氏私有討國何有焉遂
 執之祁勝賂荀躒荀躒為之言於晉侯晉侯

春秋左傳

卷五十二

昭公

三

晉侯

執祁盈祁盈之臣曰鈞將皆死懋使吾君聞
勝與臧之死也以為快乃殺之夏六月晉殺
祁盈及楊食我食祁盈之黨也而助亂故
殺之遂滅祁氏羊舌氏初叔向欲娶於申公
巫臣氏其母欲娶其黨叔向曰吾母多而庶
鮮吾懲舅氏矣其母曰子靈之妻殺二夫一
君一子而亡一國兩卿矣可無懲乎吾聞之
甚美必有甚惡是鄭穆少妃姚子之子子貉

之妹也子貉早死無後而天鍾美於是將必
以是大有敗也昔有仍氏生女黥黑而甚美
光可以鑑名曰玄妻樂正后夔取之生伯封
實有豕心貪恠無厭忿類無期謂之封豕有
窮后羿滅之夔是以不祀且三代之亡共子
之廢皆是物也女何以爲哉夫有尤物足以
移人苟非德義則必有禍叔向懼不敢取平
公強使取之生伯石伯石始生子容之母走

謁諸姑曰長叔姒生男姑視之及堂聞其聲而還曰是豺狼之聲也狼子野心非是莫喪

羊舌氏矣遂弗視

鄔於爰反多辟匹亦反立辟婢亦反熬魚覲反食音

嗣貉亡白反黷之忍反憚力耽反

勝臧二子祁盈家臣也通室易妻盈祁午

之子叔游司馬叔侯之子鄭書古書名也

言害正直者實多徒眾無道立而懼不免

言世亂讒勝詩大雅姑且也已止也國何

有言討家臣無與國事晉執祁盈以其專

戮鈞同也懋發語之音楊叔向邑食我叔

向子伯石也巫臣氏夏姬女也母多庶鮮

言父多妾媵而庶子鮮少嫌母氏性不曠

子靈巫臣妻夏姬也三夫陳御叔楚襄老

及巫臣也時巫臣已死一君陳靈公一子

夏徵舒一國陳也兩卿孔寧儀行父子貉

鄭靈公夷鍾美於是夏姬也鍾聚也子

貉死在宣四年有仍古諸侯也美髮為黜
 光可以鑑言髮膚光色可以照人名玄妻
 以黑髮故夔舜典樂之君長類戾也封大
 也羿篡夏后者三代之亡夏以妹喜殷以
 妲己周以褒姒三代所由亡也共子晉申
 生以驪姬廢尤異也子容母叔向嫂伯華
 妻也姑叔向母兄弟之妻相謂姒

秋晉韓宣子卒魏獻子為政分祁氏之田以

為七縣分羊舌氏之田以為三縣司馬彌牟
 為鄆大夫賈辛為祁大夫司馬烏為平陵大
 夫魏戊為梗陽大夫知徐吾為塗水大夫韓
 固為馬首大夫孟丙為孟大夫樂霄為銅鞮
 大夫趙朝為平陽大夫僚安為楊氏大夫謂
 賈辛司馬烏為有力於王室故舉之謂知徐
 吾趙朝魏固魏戊餘子之不失職能守業者
 也其四人者皆受縣而後見於魏子以賢舉

也魏子謂成鱒吾與戊也縣人其以我為黨
乎對曰何也戊之為人也遠不忘君近不偏
同居利思義在約思純有守心而無淫行雖
與之縣不亦可乎昔武王克商光有天下其
兄弟之國者十有五人姬姓之國者四十八
皆舉親也夫舉無他唯善所在親疏一也詩
曰唯此文王帝度其心莫其德音其德克明
克明克類克長克君王此大國克順克比比

于文王其德靡悔既受帝祉施於孫子心能
制義曰度德正應和曰莫照臨四方曰明勤
施無私曰類教誨不倦曰長賞慶刑威曰君
慈和徧服曰順擇善而從之曰比經緯天地
曰文九德不愆作事無悔故襲天祿子孫賴
之主之舉也近文德矣所及其遠哉鱒音專
淫行去

聲莫亡白反施於
以政反勤施去聲

獻子魏舒七縣鄔祁平陵梗陽塗水馬首

孟也三縣銅鞮平陽楊氏也鄔太原鄔縣
祁太原祁縣戊魏舒庶子稷陽在太原晉
陽縣南徐吾知盈孫塗水太原榆次縣固
韓起孫孟太原孟縣銅鞮上黨銅鞮縣朝
趙勝曾孫平陽平陽縣楊氏平陽楊氏縣
有力王室以二十二年辛烏帥師納敬王
卿之庶子謂餘子四人司馬彌牟孟丙樂
霄僚安也受縣而後見言采眾而舉不以

私也罇晉大夫遠疏遠也近不偏同不偏
同位思義不苟得思純無濫心光大也詩
大雅美文王能王大國受天福施及子孫
度帝度其心莫莫然清靜類施而無私物
得其所無失類也長教誨長人之道君作
威作福君之職也徧服曰順唯順故天下
徧服從善曰比比方善事使相從也文以
經緯相錯故織成文九德上九曰也皆無

怨過則動無悔吝襲受也舉近文德謂舉
魏戊等勤施無私也其四人者擇善而從
故曰近文德所及遠也

賈辛將適其縣見於魏子魏子曰辛來昔叔
向適鄭驪茂惡欲觀叔向從使之收器者而
往立於堂下一言而善叔向將飲酒聞之曰
必驪明也下執其手以上曰昔賈大夫惡娶
妻而美三年不言不笑御以如皋射雉獲之

其妻始笑而言賈大夫曰才之不可以己我
不能射女遂不言不笑夫今子少不颺子若
無言吾幾失子矣言不可以己也如是遂如
故知今女有功於王室吾是以舉女行乎敬
之哉毋墮乃力仲尼聞魏子之舉也以爲義
曰近不失親遠不失舉可謂義矣又聞其命
賈辛也以爲忠詩曰永言配命自求多福忠
也魏子之舉也義其命也忠其長有後于晉

看和

稽古樓

國乎

射雉音石
墮許規反

惡貌醜從隨也隨使人應斂俎豆者叔向
聞之曰必醜明素聞其賢故聞其言而知
之賈大夫惡謂賈國之大夫惡且醜也御
以如皋為妻御之皋澤不颺謂顏貌不揚
顯是以舉女因賈幸有功而後舉之言人
不可無能墮損也近不失親謂舉魏戊遠
不失舉謂以賢舉又以為忠以先賞王室

之功故謂忠詩大雅永長也言能長配天

命致多福者唯忠

冬梗陽人有獄魏戊不能斷以獄上其大宗
賂以女樂魏子將受之魏戊謂閻沒女寬曰
主以不賄聞於諸侯若受梗陽人賄莫甚焉
吾子必諫皆許諾退朝待於庭饋入召之比
至三歎既食使坐魏子曰吾聞諸伯叔諺曰
唯食忘憂吾子置食之間三歎何也同辭而

左傳

卷五十二

昭公

三

管古婁

春秋

和

對曰或賜二小人酒不夕食饋之始至恐其不足是以歎中置自咎曰豈將軍食之而有不足是以再歎及饋之畢願以小人之腹為君子之心屬厭而已獻子辭梗陽人斷丁亂反此必

利反食之音嗣屬之玉反厭於鹽反以獄上上魏子大宗訟者之大宗閻沒女寬二人魏子之屬大夫退朝待於庭魏子朝君退而待于魏子之庭饋人召之召二

大夫食既食使坐更命之令坐或他人也不夕食言飢甚將軍以魏子中軍帥故謂之將軍屬足也言小人之腹飽猶知厭足君子之心亦宜然獻子辭梗陽人傳言魏氏所以興也

春秋左傳

卷五十二

昭公

三

晉

春秋左傳註卷第五十二終

春秋左傳註卷第五十二終
禾古村

